

Broj: 01-07-979-02/14
Mostar, 22.12.2014. godine

Na osnovu člana 21. stav (1) tačka 13) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 25. stav (7) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 10. stav (1) tačka m), člana 20. stav (1) i člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), člana 8. stav (1) i člana 32. stav (3) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), te člana 3. stav (4) Pravilnika o metodologiji za utvrđivanje referentne cijene električne energije („Službene novine Federacije BiH“ broj 50/14 i 100/14), Regulatorna komisija za energiju u Federaciji Bosne i Hercegovine – FERK je, na XXI redovnoj sjednici održanoj u Mostaru 22.12.2014. godine, donijela

O D L U K U
o izmjenama
Odluke broj 01-07-509-03/14 od 26.06.2014. godine

Član 1.

U FERK-ovoj Odluci broj 01-07-509-03/14 od 26.06.2014. godine („Službene novine Federacije BiH“ broj 52/14), u članu 1. riječi „za 2014. godinu“ brišu se.

Član 2.

Član 3. se briše.

Član 3.

- (1) Ova odluka se objavljuje na oglasnoj tabli i internetskoj stranici FERK-a, a dispozitiv ove odluke i u „Službenim novinama Federacije BiH“.
- (2) Ova odluka stupa na snagu narednog dana od dana objavljivanja u „Službenim novinama Federacije BiH“.

O b r a z l o ž e n j e

Članom 23. stav (1) i stav (2) Statuta FERK-a propisano je da FERK donosi opšte i pojedinačne akte, te da su opšti akti FERK-a Poslovnika o radu, Etički kodeks i drugi opšti akti neophodni za njegov rad, doneseni u skladu sa Zakonom o električnoj energiji u Federaciji Bosne i Hercegovine, tim Statutom i drugim zakonskim i podzakonskim aktima. Članom 20. stav (1) Statuta FERK-a propisano je da se sve odluke FERK-a donose na redovnim i vanrednim sjednicama FERK-a koje su otvorene za javnost, osim odluka koje se odnose na interna administrativna pitanja, što će se bliže urediti pravilima i propisima FERK-a, dok je članom 8. stav (1) Poslovnika o radu FERK-a propisano da na redovnoj sjednici FERK raspravlja i donosi odluke iz regulatorne nadležnosti. U skladu sa članom 32. stav (3) Poslovnika o radu FERK-a, odlukom se uređuju pojedina pitanja iz oblasti energije

u skladu sa zakonom i donose opšti akti FERK-a, kao i akti poslovanja FERK-a kao pravnog subjekta u pravnom prometu.

Članom 21. stav (1) tačka 13) Zakona o električnoj energiji u Federaciji Bosne i Hercegovine, odnosno članom 10. stav (1) tačka m) Statuta FERK-a propisano je da FERK ima nadležnost za utvrđivanje referentne cijene električne energije za postrojenja koja koriste obnovljive izvore i kogeneraciju. Takođe i članom 25. stav (7) Zakona o korištenju obnovljivih izvora energije i efikasne kogeneracije propisano je da je određivanje referentne cijene električne energije u nadležnosti FERK-a.

FERK je u skladu sa odredbama Pravilnika o metodologiji za utvrđivanje referentne cijene električne energije („Službene novine Federaciji BiH“ broj 50/14 i 100/14) utvrdio referentnu cijenu električne energije u Odluci broj 01-07-509-03/14 od 26.06.2014. godine („Službene novine Federacije BiH“ broj 52/14). U članu 3. navedene odluke propisano je da tako utvrđena cijena vrijedi zaključno sa 31.12.2014. godine.

S obzirom da je dana 11.12.2014. godine stupio na snagu Pravilnik o izmjenama pravilnika o metodologiji za utvrđivanje referentne cijene električne energije, kojim je propisano da referentnu cijenu električne energije utvrđuje FERK prilikom donošenja odluke o izračunu garantovanih otkupnih cijena električne energije iz postrojenja za korištenje obnovljivih izvora energije i efikasne kogeneracije, ukazala se potreba za izmjenom perioda važenja utvrđene referentne cijene električne energije.

Na osnovu naprijed navedenog, odlučeno je kao u dispozitivu odluke.

PREDSJEDNICA FERK-a
Đulizara Hadžimustafić

Dostaviti:

- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru zajedničkih poslova
- oglasna tabla
- a/a